

Foru Diputazioak ezezkoa eman dio Lurraldearen azken proposamenari

'Adiskidetze Konferentzia'-ren beste «trikimailutzat» jo zuen Telleriak


Lurraldea
Koordinakundeak proposatutako 'Adiskidetze Konferentzia', autobidearen inguruan dagoen tentsioari eusteko «trikimailutzat» jo zuen atzo Jose Luis Telleria Diputazioko eledunak. Ondorioz, Foru Diputazioak proposamena ez duela aintzakotzat hartzen eta Errege Eguna pasa eta obrak hasiko direla ziurtatu zuen.

X.L. / DONOSTIA

Gipuzkoako Foru Diputazioak ezezkoa eman zion atzo Lurraldea Koordinakundeak aurreko astean proposatutako 'Adiskidetze Konferentziari'. «Autobideak maila desberdinetako Institutuzioen onespina jaso du: bertakoena, Estatuakoa eta transfronterizoa ere bai» esan zuen Diputazioaren Jose Luis Telleria eledunak eta Lurraldearen proposamena «gai honi buruz dagoen tentsioari eusteko eta nahasketa handitzeko» eginga dagoela ziurtatu zuen.

Koordinakunde ekologistaren proposamena «trikimailutzat» jo ondoren, maila honetako ekimenek ez dutela ezer lortuko eta erabaki behar den guztia erabakita dagoela esan zuen.

Kazetarien galderei erantzunez, Telleriak «esandako guztiaren ondorioz, 'Adiskidetze Konferentzia



J.L. Telleria Gipuzkoako Diputazioko eleduna prentsurrekoan. C. VILLAGRAN

✓ «Diputazioak lurren eta bestelako tramite guztiak egin dizkie enpresei, beraz ez dago inongo oztoporik obrak ez hasteko» dio Telleriak.

egiteari ezezkoa ematen diogula ulertu behar da» adierazi eta Errege Eguna pasa eta obrak hasiko direla iragarri zuen. «Diputazioak lurren eta bestelako tramite guztiak egin dizkie enpresei, beraz ez dago inolako oztoporik obrak ez hasteko».

Komunikabideek egunotan Herri Batasunak eta enpresarien arteko bilerari buruz, «Diputazioaren komenta-

rio gutxi egin da horretaz» erantzun zuen, «baina galdera norbaiti egitekotan enpresariei galdetu beharko litzaieke, bilera horiek zergatik egin dituzten» erantsi zuen.

Bestalde, enpresariak Diputazioari aurkeztutako trazadu aldaketa proposamenari buruz, Gipuzkoako Foru Diputazioak lehen esan zuena berresan zuen.

73 urte 'Kubati' eta 'Fermini' 'Yoyes' hiltzearen akusazioaz

MADRID
Epaitegi Nazionalak 47 urteko gartzela zigorra ezarri dio Jose Antonio Lopez Ruiz 'Kubati'ri, Maria Dolores Gonzalez Katarain, 'Yoyes' hiltzearen salaketapean, atzo argitara eman zen erabakiaren arabera.

Erabaki berberean, Jose Maria Lasa Getaria, 'Fermini' 26 urte eta zortzi hilabeteko gartzela zigorra ezarri diote, ekintza horretan kolaboratzeagatik.


Epaimahaiak frogatutaz jo zuen 1986ko irailaren 10ean, arratsaldeko bostak inguruan Lopez Ruizek, beste norbaitek batera, Antonio Maria Jordi Gabirolarengana jo zuela, kotxe barruan zegoenean.

Kotxea kendu ondoren, 'Kubati', Jose Maria Lasa Getariarekin elkartu zen inguruko plaza batetan, azken honek Gonzalez Katarain identifikatu zezan, Lopez Ruizek ez bait zuen ezagutzen. Latasa Getariak alde egin ondoren, 'Kubati' 'Yoyes' i hurbildu zitzaion eta nor zen galdetu ondoren, etakidea zela esan eta tiro bi bota zizkion. Batak eskumako izterrean jo zuen eta besteak bularrean, beti ere sententzian agertzen denez.

Lopez Ruiz berriro lehen lagatako kotxean igo ondoren, Zaldibirako bidea hartu zuten. Kotxea Beasaingo tren geltokian aurkitu zuten eta goardia zibileko talde bereziak lehortarazi egin behar izan zuen, lehegailu-tranpa aurkitu bait zuten.



Lopez Ruiz 'Kubati'. EFE



Latasa Getaria 'Fermini'. EFE


73 URTETIK GORA Tribunalak gertakizun guzti hauek azpikeriaz larritutako asesinatze delitotzat jo zituen eta hortaz 29 urtetako gartzela nagusi zigorra ezarri zion. Honetaz gain, motoreko autoa ez bidez erabiltzeagatik, atxiloketa ilegalagatik eta estragoengatik 18 urte gehiago ezarri zizkion.

HBk bere senadoreen formula epaitegiak onestea espero du

DONOSTIA

Epaitegi Konstituzionalaren aurrean aurkeztutako errekursoaren bidez, HBko senadoreek kargua zin egiteko erabili zuten formula onartua izango dela espero du Iñigo Iruin, Herri Batasunako senadore hautatuak, atzo egindako adierazpenen arabera. «Gehiegizko formalismoa ezin da funtsezko eskubiden aurrean jarri», argudiatu Iñigo Iruinek, bere ustea azalduz.

Iñigo Iruin da, Herri Batasunak Epaitegi Konstituzionalaren aurrean abenduaren 21ean aurkeztu zuen errekursoaren egilea. Juan Jose Laborda, Espainiar Senatuko presidentek ez zuen onartu HBko hiru senadorek kargua zin egiteko unean erabili zuten formula, «lege aginduz» eranskina zuelako. Hain zuzen ere, formula bera erabili zuten HBko diputatuak Madrilgo Kongresuan, eta hasiera batetan Kongresuko presidentek ez bazuen onartu, HBk jarritako errekursoa onetsi zuen Epaitegi Konstituzionalak. Senatu-ko presidentearen erabakiaren kontra jarritako errekursoa Epaitegi Konstituzionalak ekainaren 21an



Iñigo Iruin.

C. VILLAGRAN

hartu zuen erabakian oinarrituta dago. Erabaki honek, «lege aginduz» esaldia erabiliz HBko diputatuak parlamentari izaera hartzea permititu zuen.

Oraingo errekursoa berrogei orrialde ingurukoa da eta Epaitegi Konstituzionalaren eta Giza Eskubideen Europar Epaitegiaren doktrinari oinarritzen da.


GEHIEGIZKO FORMULISMOA OZTOPO Inoiz ere, gehiegizko formulismo bat, Ganbarako Arautegiko disposizio bat betetzen

ez bagenuen, Konstituzioa akatatzen ez utziz Senatuko presidentek hartutako erabakia kasu, senadore hautatuen eta hauek ordezkatzeko dituztenen eskubideen aurretik ezin da jarri», azaldu du Iñigo Iruinek.

HBko Mahai Nazionalako kidearen ustez, Epaitegi Konstituzionalak berriro emango dio arrazoiak HBri eta hori ez litzatekeen edozein erabaki «aurreko doktrina kontutan hartuz harrigarria eta ilogikoa litzateke eta desilusio bat ekarriko luke».

Epaitegi Konstituzionalak errekursoaren aldeko erabaki bat hartuz gero HBko senadoreek laster izan behar duen Autonomien Estatuari buruzko eztabaidan parte hartzeko posibilitatea lukete. Posibilitate hori erabili ala ez, Iñigo Iruinek aztertze-ko kontu bat dela esan du eta, oraindik ez zaiola erantzunik eman.

Joan den urriaren 2an, Herri Batasunako hiru senadore hautatuak, Iñigo Iruin, Jose Luis Alvarez Enparanza eta Jose Luis Elkorro senadoreak, alegia, Goi Ganbarako Araubideak eskatzen duen Konstituzioaren zin egitea «lege aginduz» formularekin egin zuten, eta Senatuko presidentek errefusatu zuen.



ELAk gogor kritikatu du epaileen jarrera.

SAMPEDRO

ELak Barakaldoko epaileei hartutako erabakia kentzeko eskatu die

Z.Z. / BILBO

ELAk gogor kritikatu zuen joan den astean Barakaldoko Epale Ele-dunen Batzordeak hartutako erabakia, Bizkaiko Ibarrekerra eta Mehatzaldeko udaltzaingoari polizia judicial ahalmenak kenduz.

Atzo eskainitako prentsurrekoan, Josetxu Alonso ELAko udal administrazioen politika arduradunak, bi eskualde bizkaitarretako udaltzaingoaren ordezkariekin batera, epailei «ofizialki eta idatziz» erabakia erretira dezaten eskatu zion. Eskakizunari uko eginez gero, ELAko

ordezkariak azaldu zuen inguruan sinadurak biltzea erabaki zutela «Eusko Jaurlaritzari eta Arartekoari emateko».

ELAko ordezkarien eritziz, erabaki honen bidez Ertzaintza oraindik hedatu ez den eta polizia nazionalaren presentzia «hutsala» den eskualde bat «guztiz defentsa gabe» utzi dute delinkuentziaren aurrean, «gainera delikuentzia maila altuagatik nabarmentzen den lekua da».

Alonsok salatu zuenez, «badirudi udaltzaingoa polizia gorputz estatutuen menpeko salatari izatera mugatu nahi dutela».